



Број/Број: **01/2а-50-1-2-58/10**
Сарајево/Sarajevo: 22.01.2010.

ZAPISNIK

58. sjednice Komisije za vanjske poslove Predstavničkog doma Parlamentarne skupštine BiH održane 21.1.2010. godijne

Sjednica Komisije je počela u 9 sati. Sjednici su prisustvovali: Slavko Matić, Milica Marković, Milorad Živković, Husein Nanić i Denis Bećirović.

Opravdano su odsustvovali: Azra Hadžiahmetović, Azra Alajbegović, i Sefer Halilović.

Osim članova Komisije, sjednici su prisustvovali Sead Avdić i Edin Šehić iz Ministarstva vanjskih poslova BiH, Senada Čengić iz Ministarstva komunikacija i prometa BiH i Nenad Vujičić iz Ministarstva finansija i trezora BiH.

Sjednicom je predsjedavao Slavko Matić koji je članove Komisije upoznao s dnevnim redom 58. sjednice Komisije. Na prijedlog Denisa Bećirovića, s dnevnog reda jednoglasno je skinuta 3. tačka dnevnog reda Informacije i materijali pristigli Komisiji a njeno razmatranje odgođeno je za sljedeću sjednicu Komisije.

Članovi Komisije su za 58. sjednicu Komisije jednoglasno usvojili sljedeći

DNEVNI RED

1. Usvajanje Zapisnika 57. sjednice Komisije;
2. Davanje mišljenja o saglasnosti za ratificiranje:
 - a) Šestog dodatnog protokola na Ustav Svjetskog poštanskog saveza (resorno ministarstvo: Ministarstvo komunikacija i prometa);
 - b) Revidiranog dopunskog sporazuma o pružanju tehničke pomoći od strane Međunarodne organizacije za atomsku energiju (IAEA) Bosni i Hercegovini (resorno ministarstvo: Ministarstvo civilnih poslova BiH);
 - c) Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2008. godini (resorno ministarstvo: Ministarstvo finansija i trezora BiH).

Ad. 1. Usvajanje Zapisnika 57. sjednice Komisije za vanjske poslove

Nije bilo primjedbi te su članovi Komisije jednoglasno usvojili Zapisnik 57. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Šestog dodatnog protokola na Ustav Svjetskog poštanskog saveza

Senada Čengić iz Ministarstva komunikacija i prometa BiH kazala je da je BiH članica Svjetske poštanskog saveza kao i da je BiH ratificirala akte s kongresa 2004. godine a da je ovo obaveza koja je ostala još iz 1999. godine. Ona je kazala da je svaka članica Svjetskog poštanskog saveza obavezna potpisati ustav i sve njegove dodatne protokole. Dodala je da je Bosna i Hercegovina ratificirala i preuzela sve obaveze do 2004. godine osim ovog protokola.

Nije bilo rasprave i članovi Komisije su jednoglasno dali pozitivno mišljenje Predstavničkom domu u vezi s ratifikacijom ovog protokola.

Ad. 2. b) Davanje mišljenja o saglasnosti za ratificiranje Revidiranog dopunskog sporazuma o pružanju tehničke pomoći od strane Međunarodne organizacije za atomsku energiju (IAEA) Bosni i Hercegovini

S obzirom da je predstavnik Ministarstva civilnih poslova BiH kasnio na sjednicu Komisije za vanjske poslove, članovi Komisije su, bez prisustva predstavnika Ministarstva civilnih poslova BiH, a s obzirom da je sjednica Predstavničkog doma počinjala u 10 sati, dali pozitivno mišljenje Predstavničkom domu u vezi s ovim sporazumom.

Ad. 2. c) Davanje mišljenja o saglasnosti za ratificiranje Sporazuma između Vijeća ministara BiH i Vlade Savezne Republike Njemačke o finansijskoj saradnji u 2008. godini

Nenad Vujičić iz Ministarstva finansija i trezora BiH kazao je da se predviđenim sporazumom za 2008. godinu Vlada Savezne Republike Njemačke omogućava Vijeću ministara Bosne i Hercegovine ili drugim primaocima koje će obje vlade zajedno izabrati, da od KfW-a sa sjedištem u Frankfurtu na Majni primi sredstva za projekat “Vodosnabdijevanje i zbrinjavanja otpadnih voda – Banja Luka” u iznosu od 14.000.000 eura (četnaest miliona eura) i za projekat “Vjetropark Hercegovina” u iznosu od 46.000.000 eura (četrdesetšest miliona eura).

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Slavko Matić se na kraju zahvalio članovima Komisije i zaključio sjednicu. Sjednica je završena u 9.30 sati.

SEKRETAR KOMISIJE

Merdžana Iglica

PREDSJEDAVAJUĆI KOMISIJE

Slavko Matić

Dostavljeno:

- naslovu
- a/a